

HALELŪ XXIV.

He Halelū na Davida.

1 No Iehova ka honua a me kona mea e piha ai; ‘o ke ao nei, a me ka po‘e e noho ana ma loko ona.

2 No ka mea, nāna nō ia i ho‘okumu ma luna iho o nā kai, a i ho‘opa‘a ho‘i ma luna iho o nā wai.

3 ‘O wai lā ka mea e pi‘i i ka mauna o Iehova? ‘O wai lā ho‘i ke kū ma kona wahi hō‘ano?

4 ‘O ka mea lima paumā‘ele ‘ole a me ka na‘au ma‘ema‘e; ‘o ka mea i paulele ‘ole kona ‘uhane i ka mea lapuwale; ‘a‘ole ho‘i i ho‘ohiki i ke Akua me ka wahahe‘e:

5 ‘O ia ka mea e ho‘omaika‘i ‘ia mai e Iehova, a e ho‘opono ‘ia mai ho‘i e kona Akua e ola ai.